

«ГУДЫРИ» ГАЗЕТЛЫ - 100 АР

Даур пыр вуэм ивор

Усытйсько Удмуртилэн историысьтыз «Тӧды виштыос»

Елена МИННИГАРАЕВА

«Удмурт дунне» газет-лэн пезятез - «Гудыри» газет - вордйськем дырысен 100 ар тырмонлы но Удмурт автономной областез кылдытон бордын ужам азьветлйсьмылы И. Наговицынлы 130 ар тырмонлы сйзыса, Удмурт кун университетын бадзым конференция ортчиз. Даур талезь азьло ортчем историмы вьль сямен усытйськиз.

Югдытйсьёс

Кема артёс чӧже «Гудыри» бордысен лыдгясыкылйз удмуртгӧслэн валтйсь газетсылэн - «Удмурт дуннелэн» - историез. «Гудыри» тыршиз калыкез вьль власть котыре огазеяны, югдытыны, удмуртгӧслэн ӧтчамтӧссы, конференциясы сярись ивортылйз, калыкез шугъясыкылйсь ужпумтӧсъя визьмаз.

Та конференциялы дасяскон вискын шараясыкызы историысь ноку тодылымтэ учырӧс но. Куд-огез сярись газетлы мадиз Иосиф Наговицынлэн чыжы-выжыез, Казаньын улйсь Валентина Хазиахметова. Валтйсь редакторен Зинаида Рябининаен вераскон висказы ик малпан кылдйз: И. Наговицын сярись солезь 130 ар тырмонзэ пусьён улсын тросгес ивор сӧтоно! Чектӧмын вал конференциялзь темазэ паськытатыны. Та малпанзэ жечен лыдгясы Кульгураа но туризмъя министрство, Печать но ивор вӧлмытонъя агентство, Удмуртиысь Национальной библиотека, Национальной музей но Удмурт кун университет.

Озыы «Гудыри» газетлы но Иосиф Наговицынлы сйзем «Кунмылэн воштйськон вакытгӧсез иворгӧсты вӧлмытон ӧзгӧслэн интызы» конференция пыриськыны мьлыкд карисӧслзь оглом 50-лзсь трос доклад вуиз. Нош Национальной библиотека, юром конференциялы сйзыса, И. Наговицынъя адзыгон радгяз. Конференция лыктэм котыкуд адями та адзыгоньсь книгаосын тодматскыны быгатйз.

Ужрадз сйӧ-дано усытйзы Удмурт кун университетлэн ректоратз бордысь советник Семён Бунтов, Кун Кенешысь ялан ужась комиссийлэн кивалтйсьез, «Удмурт Кенеш» огазеясконлэн тӧроез Татьяна Ишматова, «Удмурт дуннелэн» валтйсь редакторез Зинаида Рябинина, Национальной библиотекалэн кивалтйсьез Татьяна Тензина но мукетгӧс.

Из протокола № 1 заседания Обкома РКП (большевиков) Вотской Автономной Области вновь избранного состава 3-ей областной партконференцией

9 декабря 1921 г.

г. Ижевск

[...] Слушали: 1. О конструкции обкома РКП(б).

Постановили: а) Секретариат обкома сконструировать из следующих товарищей: Фомина, Сокови́кова и т. Комлева, ответственным секретарем назначается т. Фомин; б) Президиум обкома: т. Фомин, Сокови́ков, Пастухов, Наговицын и т. Комлев; в) заведующими: организационно-инструкторским отделом т. Сокови́ков, агитационно-пропагандистским отделом т. Комлев и заместителем его т. *, женотделом т. Пастухова; представителем от обкома РКП(б) в обком РКСМ т. Сокови́ков; г) ответственным редактором от газеты «Ижевская правда» утверждается тов. Матвеев и вотской газеты «Гудыри» т. Наговицын, последнюю назвать органом обкома РКП.

2. Ввиду болезни т. Стрелкова ввести на правах члена обкома первым кандидатом т. Будакова.

Слушали: О Президиуме 2-го областного съезда советов, о бюро фракции и о времени назначения фракционного заседания.

Постановили: 1) Президиум съезда избрать из 5-ти человек, 4-х партийных и одного беспартийного, в состав которого назначить т. Наговицына, Пастухова и Агапитова, остальных же двух, как партийного так и беспартийного, провести с мест [...].

*далее фамилия в тексте зачеркнута и не читается

ЦДНИ УР, ф. 16, оп. 1, т. 1, д. 14, л. 138 об.

Конференция усытйськиз тодосчилэн А. Шкляевлэн докладэныз. Александр Григорьевич пыр-поч мадиз, кызы но мар бордысен вордйськиз удмурт печать, кызы со азинскиз но кычӧ шуг-секытгӧссын пумиськылйз. Кылсарысь, тодосчиос пӧлын татчыозь огкылэ вуэмьын ой вал, кычӧ арысен «Удмурт дунне» газетлзсь историзэ лыдгяно. Азьвыл «Гудыри» газетсылэн кутско вал ук. Соя ке учконо, «Удмурт дуннелы» туэ 100 ар тырмыны кулэ вал. Но газет 100 арзэ пусйиз ни 1915-тй арын, угось газетчиос, архивгӧсын бугыръясыкыса, огкылэ вуизы: 1915-тй арын потыны кутскем «Войнаысь ивор» - со калыкмес огазеясь удмурт газет вал ни. Бӧрысь, 1917-тй арысен, со «Удмурт» луиз, нош собере - «Виль синь». Нялтас вераса, А. Шкляев пусьемъя, 1918-тй арын потыны кутскем «Виль синь» газетлэн берпуметй номераз валтйсь редактор шуыса пусьемын ни Т. Борисов. Со ик азыланаз кылдэм «Гудырилэн» редакторез луэ. Озыен, та но вера ни бырем «Виль синь» но, солзсь азьвыл потэм удмурт газетгӧс но - «Гудырилэн» («Удмурт дуннелэн») ик выжыосыз.

Удмурт печатлэн историез, даур чӧже воштйськемез яркыт возматӧмын вал З. Рябининалэн докладаз. Зинаида Кирилловна паймемзэ вераз:

- Архивысь газет подшивкоосын утиско гожтйськыны жуткась листовкаос (туала кылын вераса, рекламной листокгӧс), кудгӧсӧс подписать карем ачиз И. Наговицын. Со удмурт калыкылы вазыськем, газетлы гожтйськыны курыса. Нялтас вераса, 1921-тй арын 9-тй декабре И. Наговицын юматӧмын вылэм «Гудыри» газетлы кыл кутйсь редакторе. Со сярись вера Протоколысь выписка. Но историгӧс малпамъя, со вал газетлэн, редакцилэн идеологической кивалтйсьез, редактор сямен со вакытэ ужас П. Баграшов.

Наговицын выжыысь

- Удмурт Облисполкомлэн нырысетй председателзлэн Иосиф Наговицынлэн нимыз Удмуртиын вунэтӧмын, нош со сомынды лзсьтйз удмурт автономия но калык понна! - вераз история наукаосъя кандидат Валентина Хазиахметова. Нырысь ик со вакчияк ачиз сярись мадиз. Тау кариз Удмурт кун университетлы, угось бадзым улонзэ сюресзэ со татысен кутскем, татысен ик, одйг интые 19 мурт конкурс пыр потыса, немец отделение пырем, собере сое Министргӧслэн кенешы Казаньысь университетэ ыстэм.

- 5 арлы Казане кошки но 50 арлы жегай, - шуэ ачиз Валентина Серафимовна, -

но ноку ой вунэтылы аслам вордйськем интые сярись.

Валентина Хазиахметова пыр-поч мадиз аслаз чыжы-выжыез, удмурт калыклэн дано пиез И. Наговицын, солэн будон сюресзэ но, Удмурт шаерын гинз ӧвӧл, быдэс Россияын интыез сярись. Тодосчи та нуналлы Иосиф Наговицын сярись 3 книга поттэм ни! Отын И. Наговицынлы но удмуртгӧслэн кунлык басытэмзылы сйзем дунолзсь но дуно архив материалгӧс. Бадзым институтгӧсын лзсьтоно ужез Валентина Серафимовна огназ бугыртыны но калыкылы вуттыны быгатйз.

Конференцияын Валентина Серафимовна мадиз И. Наговицынлэн семьяез сярись. Пу коркан, пе, соос 15 кузя улйллэм: 1 апай но 4 братгӧс, ваньзы визьмоесь, шаплыесь. Иосифлэн Сергей выныз эксэй армияысь унтер-офицер луэм. Кызы? Азьвыл, пе, удмурт гуртгӧссысь визьмо крестьян пиосты армияе басыто, куйн толзэ дышето но оже бырон выльысь келяло вал.

- Сергей Нырысетй дунне-выл войнаысь улӧпкын бертэ. Но сое бордазы уг кутӧ тодыос но (эксэй понна ожмаськиз, шуо) гордгӧс но (унтер-офицер вал ук). Со улоньсь кошке 1919-тй арын, одйг гинэ нылыз - мынам анае - кыле, - шуэ В. Хазиахметова. - Иосифлэн мукетыз выныз - Иван - тифен висы-

са, кулэ. Нош 4-тй выныз, Василий, вань улонзэ анай-атайзэ чакласа улэ, бухгалтер луса ужа.

Конференцияын Валентина Серафимовна аслаз выжыеныз дангясыскемзэ ӧз ваты:

- Малпалэ ай асытӧс, кычӧ аресказ И. Наговицын Вотской областен кивалтыны кутске? 30! Та егит адями кыл кутэ быдэс область понна! 5 ар чӧже гинэ со сомында лзсьтыса вуттэ, солэн сомында визьмо дэмлангӧссыз, ужгӧссыз, со сокем сколмаське гуртзэ, промышленностез жутон, автономиез азинтон сярись - архивгӧсын бугыръясыкыса, паймемьысь уд дугдйськы!

Валентина Хазиахметова нимысьтыз вазыськиз туалы журналистгӧслы:

- И. Наговицын Россияысь бадзым политик гинэ ой вал, со змос публицист. Ужгӧссыз, документгӧссыз, отчетгӧссыз публицистика выллем гожъямын. Эшшо ке огшоры удмурт гуртысь потэм пияш эркын вераськиз кӧня ке кылын: жуч, вотяк (удмурт), француз, гожъяськиз удмурт, жуч, англи, немец, француз кыльгӧсын. Нош со 16 арескысеныз тюрмаостй но эмиграциостй костаськыно луиз ук!

Валентина Серафимовна асьме улосчимы сярись трос тунсыкозэ мадиз на. Конференцияе пыриськисӧслэн сое лзземзы ик уг поты вал. Азыланаз уж азинскиз 4 пӧртэм секциясы. Нош собере вань мьлыкд карисӧссысь вампштйзы Национальной музейе. Татын И. Наговицынлы сйзем адзыгон радгясыкиз. Сое сйӧ-дано усытйзы Кун Думаысь депутат А. Загребин но К. Герд нимо Национальной музейысь отделэн кивалтйсь Раиса Мартынова. Татын ик возматӧмын вал И. Наговицын сярись фильм. Сое 30 ар талзсь азьло лзсьтйллэм Р. Мартынова но К. Куликов, туэ музей сое оцифровать кариз, табере фильме тросгес калык адзыны быгатоз. Фильм туж тунсыко, но пумаз секыт мьлыкд кыле, Кузьма Иванович вера: вань иворгӧс (но со документгӧсты шедьтыны кулэ на), Иосиф Алексеевич 1937-тй арын Крымысь Мисхор санаторийын висӧнлзсь ӧз кулы шуыса. Ой ке кулысал, со мукет удмурт югдытйсьӧслзсь адзӧнзэс адзысал, угось ужкысыз мозмытӧмын ни вал, малы ке шуоно пумит кариськиз мукетгӧсӧс репрессировать карыны...

Конференцияысь тужгес тунсыко докладгӧссын тодматгылом вуоно номергӧссын. ❄❄❄